


游蒙日記

陳秉鑑題



地852  
914  
部



乙卯冬十月

游蒙日記

趙元禮題

早

序言

余夙耳

先生名未一識荆也壬子夏有留守烏城之命時蒙氛甚惡哲佛方倡獨立余因臂助需材特薦參贊蒙事

先生亦慨然自任凡運籌決策經權互用悉協機宜尤富膽畧熟蒙情屢擬出奇謀制勝緣款絀中止庫俄協約發表猶密請以單騎往說爲入穴得子之計政府雅重

公才不欲其身蹈險地事不果行願

先生天才雄健遇事能見其大往往赴義太勇道高毀來

先生惟抱定不計利害不避嫌怨不畏艱鉅之宗旨始終堅持實心任事而含沙下石之輩久之亦鼯鼠技窮轉相傾服益歎誠能動物名下無虛燕趙古稱多奇杰之士信哉前清光緒丙午

游蒙日記

序言

財政部印刷局印

先生隨科爾沁輔國公今貝子博迪蘇馳赴庫倫勸達賴回藏屈計垂八年矣達賴之出奔也曾聯絡哲佛爲暫時之依據哲佛之獨立也亦運動達賴爲同一之進行達賴妄啓兵端兼受俄人之愚弄哲佛脫離母國純恃俄人爲護符事寔畧同外交之困難亦畧同一則往返僅四月而邊患潛消一則籌備將經年尙未出國門一步財政問題之關係殆亦有不盡然者與今者蒙雲黯淡隱患方深民國權輿邊材難得余雖不敏竊願臥勾踐之薪擊祖生之楫同舟共濟勉爲其難質之

先生當絕表同情也茲因遊蒙日記付印畧識巔末以告熱心邊局並世之真知與真不知

先生者至日記內容自序與它序已概言之且豹斑驥毛實不足以見先生也故不復贅

中華民國二年三月下浣那彥圖謹序

序言

李君石忱余忘形交也爲人豁達慷慨有古任俠風講求有用之學於邊防軍畧尤刻意研究雖天才雄駿殆亦性近使然與前清光緒丙午 科爾沁輔國公博迪蘇奉密詔赴外蒙宣慰達賴勸使回藏以

君饒膽識喜冒險進取也徵與同行至蒙後宣布德意達賴悅服往來凡四閱月歲事雖時丁末葉朝政不綱而終清之世西北邊藩唯一服從外人狡計卒不得逞此役實具絕大關係顧以不動聲色弭患無形譚邊局者遂亦不甚注意蓋曲突徙薪固不如焦頭爛額之居上客也

君既歸自蒙余時蝨京曹朝夕過從得觀所編日記凡人情之迷信風俗之古陋台站之疲敝土宜物產之良窳山川形勢之險要與夫歷年治蒙政策之得失此次宣撫手腕之敏活概括列舉洪纖靡遺於軍事地理之必要尤不憚隨時揭櫫殷殷三致意焉余以其足資攷鏡懲愆付印者再

游蒙日記

序言

一

財政部印刷局印

君方究心時政雅不欲以著述見旋復有東瀛及奉天之游遂因循不果歲壬子民國紀元庫倫獨立中央任命

喀爾喀親王那彥圖署烏里雅蘇台將軍復任

君參贊一切籌蒙手續奇正相生前後條議數十上多報可稱善卒以外交牽掣庫藏奇絀不克展布庫約發現邊患益亟多言而中不幸悉如

君料然苟裨蒙局知必言言必盡未嘗因事機棘手稍懈進行所謂生平不知有險難事者自道之語非虛夸也式堂梁君熱心邊事稔知有游蒙日記之編敦促刷印行世余亦重申前請始允付梓屬余任校讎文牘餘暇剪複勘誤畧爲詮次意在紀實不尙雕琢事既竣爲述概要如右嗟乎蒙藏風雲日形慘澹大局岌岌危於累卵論匹夫有責凡此破壞共和國民公敵當與四萬萬同胞共擊之討論籌謀匪異人任卽以是編爲指南之方鍼平蒙之基礎可也謹弁數語留券將來

中華民國二年三月趙毓煊序於春明之寄廬

游蒙日記

序言

二

財政部印刷局印

序言

嗚呼有清光宣之際本根杌隉厥執若大黃待發創斯須決朽索約最屬石繼不測壁兀兀震且絕王公大人守黃紫標狂噬酣靡所睹聞彼其鼠睨螳趨知不足以炤夫帷薄方且磨錢取鉛逐逐如不給惡知夫侯甸而外有要荒邪李君章句儒分疏不近亦不予寸尺柄宜勿殫思罷形躡芒屨策騎腰檄齒楛將羸卒走沙磧鮮水泉垢污羶腥非人之竟鬯威靈抑邪謀銜勒羈絡之宜勿然竟然故宜然勿然文馬班不清祕節龍比不臺垣兵機穰孫策范富經緯幹畧贊皇太岳不節鉞樞密而若曹蠅閔要路奴才駟儉山郎乳臭朝內金莫受爵審所負率背馳或大謬不然以迄辛亥機張脈斷豁然隊耒然裂故君所謀謀與自禱焉者是記止已往予官京朝有主我者同舍趙君仲鑾謂予比有魁特士思見不因介以來執森森若喬嶽古松逼人立沈鷺堅彊罕所匹儔卽之復若瞰深潭嶠踞龍拏諸珍怪希有物恍忽隱見勿之能度者君也勿勿三稔

游蒙日記

序言

仲鑾及予蠖軍府君方用戡亂功使持節鎮贛南稍稍發舒矣然崦須鷹隼入爪攫凡夫不律所志將亡復隸黃色輿圖天與非與癸丑莫冬周嵩堯序

序言

前清光緒三十二年四月御前大臣科爾沁輔國公博迪蘇密奉諭旨赴外蒙  
宣慰達賴婉勸回藏以爲中英改定藏約之張本博公面請添派內閣學士達  
壽商部員外郎魏震均允可公因沙漠之行須帶衛兵且有達賴果不歸藏卽  
便宜行事之諭密商魏君邀余偕往余請加派李君飛鵬達閣學請加派積君  
廉薛君錫珍匆促束裝馳驛赴張家口道經宣化府接北洋大臣今

大總統電令挑選宣化鎮練兵若干爲達賴暗帶俄兵之抵制公派余充統帶  
官并節制烏科庫及宣大各營派李君飛鵬充總稽查余以多帶軍隊達賴驚  
疑必至北走俄疆牽掣藏約乃僅選騎兵四十名令霍玉福充隊長隨催察哈  
爾溥都護頌尅日傳台備余出發公等緩期開行余兼程進於閏四月初五日  
抵賽爾烏蘇該處管站部員文瑞面稱先一日庫倫辦事延大臣社到賽專候  
博公密商機要越數日博達兩欽使至面述前情立與延公密議延公云前年

游蒙日記

序言

一

財政部印刷局印

英擬在西藏之亞東江孜噶大克三處開設商埠達賴不聽并有俄人特爾遮

氏

係賄達賴左右謀充堪布者按堪布爲西藏高級行政官從中主持與英開仗英邊務大臣榮赫鵬以精

練之兵擊拉薩庸蠢僧衆勢如狂風之掃敗葉六月十五日拉城陷達賴偕藏  
僧百數十名踉蹌遁取道青海玉門及三札兩盟赴庫時社方任西甯辦事大  
臣奉旨探護達賴以防其舉動不規達賴抵庫後晤哲佛哲與達賴意相左蓋  
恐其分教權也代青王杭達多爾濟素爲親俄派隻身赴庫爲達賴磕頭賚品  
物甚豐達賴大喜杭與特堪布密計請俄政府羈縻達賴俄利達賴之愚藉可  
窺藏兼資圖蒙也乃派專使慰之且厚幣餌之達賴爲所動附俄之念益堅杭  
特等迎機而導竟誘赴代青王旗俄以爲中其計矣然社派幹員監視之達賴  
不敢公然走俄適咱雅沙比迎達賴而達賴利蒙布施之重當時已有八百萬  
盧布駝馬等不計其數遂赴咱雅班的達暫安禪坐藉以吸收蒙財公等此去  
萬勿遲蓋遲則此孽爲俄有藏事益不可收拾矣博公計決令余作前趨過翁

金河走蘇木台

蒙人指設台站謂之蘇木台

直搗咱雅中途遇達賴所派堪布歡迎天使札

蘭

蒙古官名三品職

三都克導之見致辭甚恭博公宣布清廷德意囑告達賴暫住錫

有要待商堪布諾而去余飛騎抵咱定邊左副將軍奎煥先期至候博公公至時余張兵威策馬迎數十里達賴所帶俄兵多布里雅特人改易喇嘛裝飾觀者如堵此後派李君飛鵬逐日教野戰習衝鋒且布散流言使藏僧畏一日遇達賴帶兵官名打木丁者操漢語自稱金川人奉黃教邀余飲酒探問博來何意余佯醉告以奉旨殺達賴惟博以信教故未肯下辣手余等只得聽之嗣後達賴屢餽博公及余等食品且寄溫言又令蒙人演跳布札先邀博公偕余等往以博歡心余隨博公列坐在左達賴南向坐數級蓮台以表最高無上之態度余持速射鏡對坐拍影握機柄砰然有聲達賴驚怖下台去不再出面越日遣問武裝者對台施手技其意云何博公云攝影爲軍人常事不足怪由是其堪布等與余益親每出行途遇則相迎色笑或邀入肆中共食飲偶有所詢答

游蒙日記

序言

二

財政部印刷局印

以博等無他意但期達賴旋藏早日安禪而已博公周旋達賴計九次遂決定先赴西甯由甯入藏以慰番僧達賴於五月二十七日冒雨行里許下所乘黃

緞轎

以八馬馱之

叩拜宗喀巴像

像在山腰

越二日余隨博公尾其後達賴抵三音諾顏

王府暫息徒衆博公亦駐節並派健足赴口電陳隨護達賴去甯得旨飭達壽送達賴博迪蘇速回京余仍先博公行馬首東南向先公抵京余主張達賴住甯不再去藏或降旨召該達賴來京以破英詭計兼陳張庫鐵路最宜趕造以杜俄人覬覦又會商學部嚴侍郎修創設殖邊學堂注重蒙藏文字語言以爲籌保蒙藏之入手又與今教育部總長范君源廉均主因其迷信而利用之是時軍機大臣鐵良兼掌戶部余往謁痛言張庫鐵路不可緩修及熱河張家口綏遠城各練騎兵一鎮以戢強俄之野心鐵公趨余言擬先提庫款五百萬金尅期造軌并擬於鎮馬隊內附入重砲兵余又建議改良馬政於張熱兩處各設馬廠一區并於烏科庫阿各設銀行抵制俄幣鐵因數商政府歷時久而策

不用鐵無如何余促博公辦殖邊學校中有嚴公力持之於是學校成立逾年而馬廠之議亦行是年夏赴日本游冬十月間便道抵奉時徐公世昌總督三省派查鴨綠江長白山形勢歸呈意見書而長白設府圖們江上游設安圖縣松花江上游設撫松縣之策以定而籌蒙之心仍未已也明年奉徐公命考查昌圖洮南一帶事未竟檄署臨江縣事兼充長白府設治委員是年上勘邊策於陸軍部擬先從蒙藏著手宣統元年鐵公調余來京因朗潤園三議勘邊均主緩辦策不果行嗣議調查新伊派余充主辦人閱七月事畢呈報告書并附意見請軍諮府陸軍部採擇施行卒以位卑言輕攔而不辦去年蒙倡獨立俄實主之比以內難不靖未暇遠謀活佛及杭達王等益猖獗且陰恃俄援組織偽政府迨五族統一宣布共和活佛等據庫倫一隅依然夜郎自大政府屢出使節勸消獨立竟不聽七月間外蒙親王那彥圖奉令署烏里雅蘇台將軍招余幫籌蒙事策數十上均以外交棘手不克實行羈留京師者一載餘余友梁君式堂知余有游蒙日記力促刷印成書以供研究蒙務者之一助余以所記瑣陋出版則貽笑通人再三却之梁君云事急矣苟有一知半解可裨時局尙恤人之訕我否耶辭不獲已乃乞故交趙君毓煊及孫君慶錫勘誤正訛而修改之遂請梁公付印藉以就正高明倘海內達人肯賜斧正而進教之則尤余所馨香拜禱者也是爲序

游蒙日記

序言

三

財政部印刷局印

津門李廷玉識

游蒙日記

津門孫慶錫校讐



四月初一日商部通藝司員外郎魏震字梯雲因御前大臣公博迪蘇內閣學士

達壽奏調隨赴喀爾喀一帶考察蒙古游牧事宜函招余並李君飛鵬字少

隨同前往是日搭汽車晉京寓魏部郎宅

初三日偕魏部郎謁見博公達閣學聽候起程日期

初五日由京旋津

初十日閩中翰耀卿沈太守聲甫擬邀赴浙省襄辦練兵事宜當以赴蒙供差  
卻之

十一日檢點行裝早八點在家辭行 叔父送登人力車九點抵李少林宅作  
致梁式堂楊炳初李仙洲宋靜亭楊弼宸書包星三李孝聞來遂同韓小波  
在寶晏樓午飯飯後晤閩耀卿共談多時出偕李少林購手套氣帶等件晚

游蒙日記

財政部印刷局印

同張子權孝聞小波少林聚飲畢回少林宅李月亭代購各件已齊張幼臣  
來談本日偕孝聞看模範學堂晤劉竹生華海門鄧澄波王吟孫蘇子香等  
接待甚優各堂功課無不精密甚可佩也十二點就寢

十二日早唐世叔聘九張世叔桂池李月亭陳竹香均至梯兄來電囑即日赴  
都少林之兩弟及月亭小波均送至車站十二點一刻開行巡長蘇玉泉徐  
景山照拂一切車中遇李錫齋因致李筱華書託錫齋代交七點抵京赴梯  
兄寓所晤劉南張執中趙仲適嚴範孫來譚片刻去飯後謁鐵尙書良  
辭行諭以此次赴蒙凡各項要政均應注意調查尤以兵事為急務等語譚  
多時乃回抵梯雲寓已夜一鐘矣梯雲交公文稿存提包中所有照料家事  
均請臧君佑宸分勞

十三日博公先起程達閣學壽繼之隨員有薛君錫珍字寶順天良鄉人先在  
仕學館又積君廉字宜北京旂人余同少林梯雲十點開行餞別者有鄭君

菊如臧君佑宸趙君仲鸞十一點出德勝門過馬家店少林指路西側爲當年武試辰宿列張各圍地址余乘馬緩行梯兄馱轎續至過黑寺及德勝橋橋石破碎不便行人由德勝門行三十里至清河鎮鎮有蒙養學堂二巡警分局一戶約八百餘街長里許市廛鱗櫛午尖與達欽使晤會并見薛積二君尖畢走十里至廻龍觀約二百戶觀西爲京張路工告成之第一段五里至半畝店約二百戶又五里至三撥子約七十戶又二里至二撥子約五十戶共二十二里過大石橋橋長約百八十丈寬四丈餘橋下洞七均旋門左右橋欄豎石柱各六十餘石長六尺寬二尺五橋床砌石以鐵瓦橫貫形頗鞏固流水清淺澈底過橋抵沙河鎮土城每面各長二里女牆完整者蓋鮮傾圮處任行車馬而四門尙具居民千五百餘戶遵城而行經石橋規制與前橋埒橋右北端矗丈高石碣大書朝宗橋三字下題明萬歷四年建乃知兩橋皆勝朝所造也橋下溜甚急其水發源牛欄山下入通州之潞河伏秋大汎屢釀

游蒙日記

二

財政部印刷局印

水災京畿多受其害近來水勢殺滅地成膏腴該鎮有分府署并設武汎一員又行五里至滿井四十餘戶三里至西沙屯約百餘戶屯西有藥王廟甚都麗殿宇三層廟右路西有郵政分局五里至白浮二百餘戶三里至涼水河約三十戶村前向種香稻近因水涸均改旱田二里至巴家墳七八戶四里至昌平州城共行七十餘里進南門額書畿輔重鎮四字前明防元倚爲最要屏障城三門北門已被沙封垣周遭約九里東北西皆面山登眺州城宛在襟抱城有東西南三街市廛以西東兩街較勝城東隅多菜圃昔霸昌道駐劄該州今道缺已裁只存官署官除州牧外有參都守千各一員學堂有初級師範在霸昌道署附小學堂高等一處在城內東南隅州署東半日初等蒙養各一處以上皆官立私立公立者蒙學約十餘處閱報處一附講報農務試驗場在高等東警局一處兵約三十名領以武弁郵政局在東街工藝局在東門外分撈紙等科出品售價甚廉商戶百餘家以油鹽店布店爲大宗官鹽店一糧店次之銀

每兩易大錢一千餘文平用半蘇半廣較公砵大二分各鋪商多出鈔票每票大錢一千文商賈便之史牧廷華字廣雲鎮江人來會據云去歲北洋購戰馬六千匹至此病者千餘留待草長時帶馬出口放牧以免倒斃又云該州有旂甲五十名城西南去明陵二十五里史牧去後知博公寓東關旅店蓋奉是役者均已彙齊云

十四日五點起程出西門一里有都閫府署又一里過郝莊約三十餘戶莊西道北有磚壘額書昌平營三字按昌平州舊名昌平營故至今猶設昌平營都司一缺六里至舊縣五十餘戶又六里至三間房二十餘戶過小橋三里至紅泥溝山谷狹小路頗崎嶇二里至龍虎台多半傾圮額書神虎二字又名神虎台其北巨石嵯岈森若刀戟兵法所謂障礙地也居民約百餘戶五里過居庸路舊台沿途所見各台皆前朝築以望烽燧者我朝自綏服蒙古以來漠南北各盟旂均列藩服歲貢駝馬等物朝廷從無北顧之憂沿路

斥堠遂任廢棄走里許至南口鎮鎮屬延慶州南門額書保護陵京四字北門因道光十八年關溝或作官溝水決被衝傾塌迄未修復南北街長約里有半戶五百餘商家百餘戶以糧石爲大宗每日有集市上通行之平俗呼爲老廣廣較京平大四分南門稅局收出口茶及雜貨等稅爲崇文門商稅分局北門稅局收入口驗麝皮毛等稅屬於張家口舊設額外一員管理保甲局勇十餘名京張鐵路分局在南門外小學堂一在南門內按南口鎮東西羣峯廻抱城垣隨山高下延袤約三四里峯頭望台對峙去地約百二十米達作犄角勢實京張出入之要樞戰事上必爭之地點且所行二十五里間窪道最多天然戰地但自紅泥溝起陸路砲不便行走一旦有事作防禦陣地殊爲利用出北門走山麓石塊犖确馬不易行一路山皆童禿最宜果木惜業此者殊少山下引水灌田賴以防旱十五里至居庸關城垣隨山谷高低爲之週遭長約十餘里南北兩門門皆重闢城中央建雲台石閣白石砌成壁刻

十一國文字當是漢滿蒙希臘亞刺伯唐古忒俄羅斯瑞典印度荷蘭土耳其等國以不全通各國文未敢指定然以地理及歷史證之或不大差居民百餘戶設州判都司吏目訓導各一員南門內總稅局收出口茶及雜貨等稅北門外稅局收進口貨皮毛磨驗等稅稅銀每年約收萬餘金馬稅亦由此設卡徵收屬於獨石口街長里餘道北有碑係前牧章公所建因該處接送官差向由民間預備驢夫吏胥藉端需索居民受困光緒九年稟請署督張禁革此弊由是例備驢四頭夫二名草料工食由官備發十六年刻石以垂久遠洵善政也小學堂一處在斗姥宮內共兩齋學生約四十餘名南門內有道工局專備修理由南口抵岔道四十五里之關溝土人云居庸把總向不應差因明季把總孫傳庭以巨砲擊闖賊彈落中軍帳前李闖驚走勝朝獎功免其應差以表異之我朝遂相因不改齊東野語目笑存之 按居庸關爲元居庸路元起漠北之野以此路爲南北咽喉前明防元亦注重於

此蓋以順帝北走未必不捲甲復來也我朝定鼎燕京內外蒙古均在服從之列數千里沙漠足以限制俄人故西北邊防遂不以居庸爲重邇來俄人畧地陰有由蒙界搖撼京師之勢則居庸險要又今日宜增兵戍守之區過關三里至三堡約十餘戶七里至上關城垣週約二里南北兩門頗鞏固有居民一戶三里至青龍橋約二十戶有局抽收驢馬捐以充修理關溝之費每馬捐津錢二百文驢一百近則仍循舊例每月收捐一次四里至石佛寺四五十戶五里至五貴頭又名彈琴峽此兩名稱均邑人王福照書刻於石其左有同治二年刻文一則峽口右方刻雄鎮燕關四大字峽勢陡絕高約五六百尺中通一路寬約十餘丈怪石縱橫車行不能方軌馬走不能成列真有一夫當關萬夫莫開之概峯頭石利尋路可通峽外山形凸凹邊牆綿亘有若蛇行三里至霸道嶺嶺巔有重關尙未殘缺石路坡仄而滑人馬易於顛躓前泰西人探險至此指爲要害現以炸藥轟石穿孔備敷鐵軌爲京

張往來之隧道據土人云前因穴洞石墜壓斃數人幾停路工後以木架支撐洞頂乃繼續開鑿鳩工可望迅速 按霸道嶺西通岔道東接五貴頭實爲居中扼要之關鍵且此嶺較他山尤聳若設要塞礮却得從高擊下之利况四面山峯壁立不便仰攻邊城曲折蜿蜒雖捷足不易超越真岔道之後援可與五貴頭成唇齒之勢現俄敗於日不克蠶食東三省勢必稍養戰力由西北裹糧捲甲而來規取京師爲扼吭以制全體之計似此要隘允須築壘增兵作未雨綢繆之策五里至岔道東門外道分兩股一向西北走延慶州五里一向西走懷來縣岔道東西北三門各門均按方向額書岔東雄關岔西雄關等字樣乾隆七年李牧鍾偉所刻惟北門依山不附城垣街東西長約二里設守備把總額外各一員戶約百餘無大商賈設小學堂一處土產有胡麻紅糖小米山藥甘草等物 按岔道爲霸道嶺最近之屏蔽且北通延慶徑達獨石口西通懷來徑達張家口進爲輪轉之要路退爲駐守之中樞前明永

樂用兵常駐軍於此近日之談戰事地理者尤應以此爲鎖鑰點晚宿小學堂本日偕少林拍照三片一居庸關一關外西南隅一雲台石閣

十五日六點出西門里許走山谷兩峯對峙如門山上邊墻迤邐不絕谷口舊有巖關近則瓦礫荒涼路寬約四十丈車馬均不便行若就兵事上論之與岔道有切近之關係乃知古人設關於此固灼見形勢之所在也行三里道途平垣五里至小紅山十餘戶五里至泡上村地高有沙戶二十餘十里至

榆林驛

又名榆林堡

爲懷來屬地昔張文端奉使赴俄駐軍於此水惡不可飲士

卒苦之驛站所在因換馬行該處三百餘戶小學堂一堡四門西門有警局以該處把總一員管理堡垣約三里少息乘馬行五里至太師莊十餘戶五里至西堡十餘戶過石橋七里至卞家堡延慶州屬約五十戶一里至祁莊子十餘戶二里至焦莊子十里至懷來縣昔名懷來衛午尖縣城四門西門外有帽兒

城城三門街長東西約三里南北約二里東門外山巔有泰山廟紺宇輝煌

香火甚盛東南二里有達子營營西有橋橋水爲洋河發源口外流抵保安堡與桑乾河匯併趨蘆溝橋下水勢乃大奔放恒爲患於京南霸州北文安

東武清武西之間故永定一河即桑乾河常設專官以統治之西門內有警務分局

巡警學堂閱報處宣講所各一處大都虛設惟所前懸有告示云派訂周君

按三六九及五十或集期宣講等語又有高等學堂附初等模範并研究所

西門內有周鳳鳴將軍第縣署在南門內戶約五百餘有把總一員一點復

行十五里至狼山堡百餘戶土圍不甚完整又十五里至土木驛土木堡即明英宗蒙

處驛東西二門街長里許路多石塊居民四百餘戶有小學堂一十二里至

太平堡六十戶四里至太平溝三十餘戶三里至二台子六十餘戶三里至

沙城鎮舊名保安城不與懷來分屬鎮東西中三門南北二門分東西兩堡東屬懷來西

屬保安共三千餘戶大街東西三里南北里許商以布行爲大宗平用半蘇

半廣出鈔票每張錢一千以大錢六百六十一文作一千一六日糧集紅糧價四千五百文

穀五千零黍六千零兩堡各有巡警分局兵各二十名設分司一員東街有城隍廟大寺南門外三官廟西街泰山廟西大寺中堡有關帝廟州縣以此廟分界南距洋河八里左近地每畝上者價四十千內外下者十千內外此鎮家屋整齊街道寬坦當是富庶之象在戰事上爲徵發最良之地點晚微雨晤同鄉王君雙井人在縣署供差舉動頗沈靜十二點就枕

十六日宿雨未收七點首途三里至榆林屯十餘戶七里至大屯約三百戶二

里至東八里村約四百戶八里至新保安又名東街長約三里有巡警分局

小學堂各一武職設都司把總各一員糧集二七日有銅鐵器店首飾樓八

里至西八里村二百餘戶十二里至鷄鳴驛以鷄鳴山得名約八百戶人家團聚耕

鑿相安風俗近古計馬上冒雨行四十里人馬均如水沐午尖畢出西門是

時天光放晴山頭積雪如畫緣山走二里路左有渠引洋河水以資灌溉練

軍馬撥引余行過渠後循洋河走至下花園附近處兩山夾河寬約五六里

水漲時過客行山巔是時水涸河寬十數丈或數丈不等平時山水明秀足怡性情變則憑峻嶺沙灘限戎馬之足蓋鷄鳴洋河相需而成天然之險也七里至下花園二百餘戶方演戲是時雨止路甚泥濘又十里至上花園百餘戶山行五里至鷄鳴山腰鑿石成路坳遠處高樹石碣文刻鷄鳴山之陽有響水梁峭巖在其北洋河當其南等語下題光緒十三年張佩綸撰洪鈞書三里走平原洋河水衝石走磨轉有聲岸左側有道工局每牲一頭載貨過此者捐制錢三枚作修理山險路費又二里至響水堡五十餘戶因洋河水響得名過堡後走山嶺約八里至平地近山煤礦甚佳惟用土法開採不甚得利又因交通不便往往棄貨於地京張鐵路告成後當有優勝利益也十里至半坡街二百餘戶七里至泥河村百餘戶又六里至七里台兩台對峙大半傾圮縱馬入宣化南關石城堅固共四門每面六里十三步城中惟四牌樓街市塵相望四隅多種菜蔬土脈頗肥是日住上谷公所接練兵處電令調

宣府馬隊三十名帶赴蒙古始知此次奉差實爲處置達賴喇嘛起見政府因事關秘密特藉考查游牧爲名以免消息洩漏耳晚十點欽使飭赴鎮署謁何軍門乘熬晤談多時乃報命錄調馬兵公文一通畢分送鎮署十二點眠

十七日早六點奉欽差札派統帶宣化馬隊文調隊點名後飭隊官霍玉福發令開行同鄉梁公會談數語作別是日飛鵬奉派稽查行軍一切事宜按宣化馬隊五營步隊一營均仍練軍舊制歸何總兵乘熬統帶前已撥馬隊二營一駐大庫倫一駐喇嘛廟以資鎮攝兼應要差其餘三營駐紮宣化東門外分班拉撥保護行旅步隊分駐村鎮用緝盜賊惟馬皆兵丁自備槍械種類不一操練未用新法殊多缺點途遇張軍門勳統帶准軍馬隊十營開赴奉省出西門土堤前橫乃沙河舊岸現成窪道水流祇一綫而已行五里至玉寶莊約二十戶又五里至八里村三十餘戶三里至陳莊約三十戶二

里過柳河川約五十戶爲明常開平駐軍處現只邱墟營壘無存矣上嶺行四里至巔路容一軌又四里下嶺至石壑子因山路得名十餘戶二里至榆林堡二百餘戶十里至姚家莊五十餘戶又十里至玉寶洞四十餘戶五里至十三里莊人家五六有關帝廟二里半至七里茶房六里至張家口按此口局勢佔東北之形勝地成橢圓形戶約三萬餘商號千七百餘家洋行十餘家分上下兩堡寬約三里下堡爲明永樂時所築與山西之大同毗連寬約五里共長十里有奇下堡有撫民府分縣鎮行台驛站道等署上堡有都統副都統并左右司署又有洋務局武備學堂各一萬全縣去此三十里而所轄地段各事則在口上每二三日一往返殊爲不便現萬全已稟宮保請移縣治於口上以便辦理各事尙未奉批撫民府所轄實在口外而署在下堡尤爲不合惟萬全城內有小學堂五高等一女子一口上有初級師範一小學二聞邑令派某生改良戲曲緣口上三大戲園各處野台常二十餘處以

每台戲價二十吊計之月耗一萬二三千吊實爲一大漏卮民情不好訟每告期只收呈二三紙民人山西十之七關南十之二京津十之一婦人不習縫紉日以觀劇作葉子戲爲事故成衣局之大者常用人五六十名且男子游閑尤失教育北正溝多泡皮處所其法掘一圓坑中立木架週遭立數十拉繩用脚踏之換水四五次方淨正溝之水現五六尺漲時常數十丈經其東三道濠水繞其南現二三尺漲時常十餘丈深溝之水貫其中現四五尺漲時常二十餘丈近水依山天然絕險出口之路有二一由深溝街西北走萬全一由大境門東北走多倫從內地赴口之路亦有二一由大同走下堡一由宣化走上堡往日西北邊防以宣化大同爲重鎮而宣大以張家口爲制命之咽喉况東有獨石口爲之勁援西有得勝口爲之左臂一旦西北有事則此口勢等率然擊首尾應擊尾首應擊中則首尾俱應焉國朝於宣化大同各設一鎮以聯絡於內又設察哈爾都統綏遠城將軍以接應於外且各駐重兵常年戍守廟謨深遠有過勝